

Broj: 31-01-30-929-02/25
Datum: 01.10.2025. godine

Na osnovu člana 32. Zakona o ustanovama („Službeni list RBiH“ broj: 6/92, 8/93 i 13/94), člana 38. Pravila KJU „Odgojni centar Kantona Sarajevo“, člana 8. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“ broj 19/21, 10/22, 28/23 i 32/24), Odluke Vlade Kantona Sarajevo broj 02-04-42845-19/25 od 21.08.2025. godine, te Odluke o pokretanju postupka prijema u radni odnos na neodređeno vrijeme broj 31-01-30-929-01/25 od 30.09.2025. godine, direktor KJU „Odgojni centar Kantona Sarajevo“ donosi,

R J E Š E N J E
o imenovanju Komisije za provođenje javnog oglasa

I

Imenuje se Komisija za provođenje javnog oglasa (u daljem tekstu: Komisija) za potrebe provođenja procedure izbora kandidata na upražnjena radna mjesta na neodređeno vrijeme i to:

- Viši referent za administrativno – tehničke poslove u Službi za opšte i zajedničke poslove, jedan (1) izvršilac;
- Referent za opšte poslove i podršku u Službi za opšte i zajedničke poslove, jedan (1) izvršilac;

u sastavu:

1. Aldijana Redžović, predsjednica,
2. Dženita Šošić, članica,
3. Merima Brdarić, članica.

Administrativno – tehničke poslove za Komisiju će obavljati Aida Pašić u funkciji sekretara Komisije.

II

Komisija je obavezna:

- potpisati izjavu o nepristrasnosti, povjerljivosti i nepostojanju sukoba interesa,
- donijeti Poslovnik o radu kojim će definisati način provođenja pismenog i usmenog ispita, kriterije bodovanja kandidata za sva radna mjesta, te je dužna isti dostaviti direktoru u roku od tri dana od dana donošenja,
- po isteku roka za podnošenje prijava na javni oglas pregledati sve pristigle prijave i dostavljene dokaze, utvrditi njihovu ispravnost i sastaviti spisak kandidata među kojima se provodi izborni postupak,

- pismeno putem e – maila obavijestiti kandidate čija dokumentacija nije ispravna da nisu na spisku kandidata među kojima se provodi izborni postupak sa navođenjem razloga neispravnosti dokumentacije, uz ostavljanje mogućnosti kandidatima uvida u dostavljenu dokumentaciju u roku od tri dana od dana prijema obavijesti,
- da provede pismeni i usmeni ispit sa svakim od kandidata za upražnjena radnamjesta,
- da na osnovu utvrđenih bodova na pismenom i usmenom ispitu, kao i prednosti pri zapošljavanju sačini Listu uspješnih kandidata, te u roku od tri radna dana od dana obavljanja intervjua, istu zajedno sa potpisanim zapisnicima o radu Komisije dostavi direktoru.

Članovi Komisije u svom radu moraju biti nezavisni i nepristrasni, te se pridržavati načela javnosti i zakonitosti.

III

Komisija se imenuje do okončanja postupka izbora kandidata na upražnjena radna mjesta iz člana I ovog Rješenja, odnosno donošenja Odluke o prijemu u radni odnos kandidata koji se nalaze na prvom mjestu pojedinačnih Lista uspješnih kandidata.

IV

Rješenje stupa na snagu danom donošenja.

Pouka o pravom lijeku:

Protiv ovog Rješenja imenovani članovi Komisije mogu uložiti prigovor direktoru u roku od osam dana od dana prijema istog.

Pripremila: Merima Brdarić, šef Službe za opšte i zajedničke poslove



Direktor
mr.sci. Midhat Kerla

Dostaviti:

- Komisija x4
- a/a